

11.3. ნებისმიერი ცვლილება ფორმდება ხელშეკრულების დანართის სახით და ძალაში შედის მხოლოდ მხარეების მიერ ხელის მოწერის შემდეგ.

12. ფორს-მაჟორი

12.1. ფორს-მაჟორული გარემოებების გამო, ხელშეკრულების პირობების შეუსრულებლობა არ განიხილება, როგორც ხელშეკრულების პირობების დარღვევა და არ იწვევს საჯარიმო სანქციების გამოყენებას.

12.2. „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებლის და/ან შემსყიდველის შეცდომებთან და გააჩნიათ წინასწარგაუთვალისწინებელი ხასიათი. ასეთი გარემოება შეიძლება გამოწვეულ იქნეს სტიქიური მოვლენებით, ეპიდემიით, ომით, კარანტინით, ემბარგოს დაწესებით, საბიუჯეტო ასიგნებების მკვეთრი შემცირებით და სხვ.

12.3. მხარემ, რომლისთვისაც შეუძლებელი ხდება კონტრაქტით გათვალისწინებული მოვალეობების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ მხარე არ მიიღებს საპასუხო შეტყობინებას მეორე მხარისაგან, ის აგრძელებს შეთანხმებით განსაზღვრული მოვალეობების შესრულებას და ცდილობს გამოძებნოს სხვადასვა ალტერნატიული, ფორს-მაჟორული გარემოებებისაგან დამოუკიდებელი გზები.

13. დავები და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. მოლაპარაკების გზით 30 (ოცდაათი) კალენდარული დღის განმავლობაში შეთანხმების მიუღწევლობის შემთხვევაში მხარეებს უფლება აქვთ მიმართონ საქართველოს სამართალდამცავ ორგანოებს.

14. ხელშეკრულების ინსპექტირების პირობები

14.1. შემყიდველს ან მის წარმომადგენელს უფლება აქვთ დააწესონ კონტროლი მიმწოდებლის მიერ ნაკისრი ვალდებულებების შესრულებაზე.

14.2. ხელშეკრულების შესრულების კონტროლს (ინსპექტირებას) ახორციელებს შემსყიდველის მიერ შექმნილი ჯგუფი. ინსპექტირების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ დაწუნებული საქონლის რაოდენობისა და წუნდების მიზეზების მითითებით.

14.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

15. სუბკონტრაქტორები

15.1. საჭიროების შემთხვევაში მომწოდებელს უფლება აქვს ამ ხელშეკრულების ფარგლებში გააფორმოს სუბკონტრაქტები.

15.2. ხელშეკრულების შესრულების პროცესში სუბკონტრაქტის დადების ან სუბკონტრაქტის შეცვლის შემთხვევაში მიმწოდებელმა წერილობით უნდა აცნობოს შემსყიდველს ამის თაობაზე და მიიღოს მისგან წერილობითი თანხმობა.

15.3. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

15.4. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს მის მიერ აღებული ვალდებულებებისაგან.

16. ხელშეკრულების შეწყვეტა

16.1. თუ ერთ-ერთი მხარე არ ასრულებს ხელშეკრულების პირობებს, მეორე მხარე უფლებამოსილია მიიღოს გადაწყვეტილება ხელშეკრულების მთლიანად ან მისი ცალკეული დებულებების გაუქმების თაობაზე.

16.2. მხარე, რომელიც მიიღებს ზემოაღნიშნულ გადაწყვეტილებას, ვალდებულია ამის შესახებ შეატყობინოს მეორე მხარეს, გადაწყვეტილების გამომწვევი მიზეზებისა და აღსრულების თარიღის მითითებით. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

16.3. პირობების დარღვევის გამო ხელშეკრულების შეწყვეტა არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.